

聖



伊川擊壤集卷之四

宋伊川邵雍堯夫著

明後學

長樂鄧振錄西

儲昌祚儲顯祚校刊

五言律詩

依韻和張元伯職方歲除

及正四十六。老去耻無才。殘臘方迴律。新春又起灰。非唯忘利祿。况復外形骸。白髮已過半。光陰任自催。

和張二少卿丈白菊

清淡曉凝霜。宜乎殿顯商。自知能潔白。誰念獨



芬芳豈爲瓊無艷。還驚雪有香。素英浮玉液。一色混瑤觴。

重陽日再到共城百源故居

故國逢佳節。登臨但可悲。山川一夢外。風月十年期。白髮飄新鬢。黃花遶舊籬。鄉人應笑我。晝錦是男兒。

過陝

嘉祐三年

吾祖道何光。二南分一方。開周爲太保。封陝輔成王。歲月裝遼邈。山川造渺茫。世孫雖不肖。猶

解識甘棠。

過潼關

禁密因離亂。機閑爲太平。山河雖設險。道德豈容爭。不究千一義。空傳百二名。遐方久無外。何復用雞鳴。

宿華清宮

天寶初六載。作宮于溫泉。明皇與妃子。自此歲幸焉。紫閣清風裏。崇巒皓月前。奈何雙石甕。香溜尚涓涓。



登朝元閣

繡嶺岌層巒。岩峩十九盤。微微經雨後。杳杳出  
雲端。往事金輿遠。遺蹤玉像殘。至今臨渭水。依  
舊見長安。

新正吟

遽瑗知非日。宣尼讀易年。人情止于是。天意豈  
徒然。立事情尤倦。思山興益堅。誰能同此志。相  
伴老伊川。

商山道中作

十舍到商顏。雖遙不甚艱。東西遡洛水。表裏看  
秦山。身在煙霞外。心存人子間。庭闈况非遠。自  
可指期還。

小圃睡起

門外似深山。天真信可還。軒裳奔走外。日月往  
來間。有水園亭活。無風草木閑。春禽破幽夢。枝  
上語綿蠻。

放言

既得希夷樂。曾無寵辱驚。泥空終是着。齊物到



豐城集  
頭爭忽忽閑拈筆。時時自寫名。誰能苦真性情。  
外更生情。

初秋

夏去暑猶在。雨餘涼始來。堦前已流水。天外尚  
驚雷。曲几靜中隱。衡門閑處開。壯心都已矣。何  
事更裝懷。

偶書

堪笑又堪嗟。人生果若何。宜將萬端事。都入一  
聲歌。世態逾翻掌。年光劇逝波。靜中真氣味。所  
得不勝多。

傷足

災由無妄得。爲患固非深。乖已攝生理。貽親憂  
慮心。乍然艱步履。偶爾阻登臨。逾月方能出。難  
忘樂正箴。

閑行

園圃正蕭然。行吟遶澤邊。風驚初社後。葉墜未  
霜前。衰草襯斜日。暮雲扶遠天。何當見真象。止  
可入無言。



晨起

山高水復深。無計奈而今。地盡一時事。天開萬古心。輕煙籠曉閣。微雨散青林。此景雖平淡。人間何處尋。

月夜

雨霽風自好。秋深天未寒。移床就階下。看月出林端。有酒欲共飲。無賓可同歡。他時遇良友。此景復求難。

盆池

三五小圓荷。盆容水不多。雖非大藪澤。亦有小風波。粗起江湖趣。殊無鴛鴦過。幽人興難遏。時遶醉吟哦。

遊洛川初出厚載門

初出都門外。西南指洛陬。山川開遠意。天地掛雙眸。村落桑榆晚。田家禾黍秋。民間有此樂。何必待封侯。

宿延秋庄

驅車入洛周。下馬弄飛泉。乍有雲山樂。殊無朝



市喧非唯快心志。自可忘形言。借問塵中有誰  
爲得手先。

宿壽安西寺

好景信移情。直連毛骨清。爲憐多勝槩。尤喜近  
都城。竹色交山色。松聲亂水聲。豈辭終日愛。解  
榻傍虛楹。

過永濟橋二首

山背錦幃開。河臨永濟迴。土田平似掌。桑柘大  
如槐。斜日射虹去。低雲將雨來。無涯負清景。長

是愧非才。

一水一谿門。谿門雲復屯。珍禽轉喬木。幽鹿走  
荒榛。雨脚拖平地。稻畦扶遠村。高城半頽缺。興  
廢事休論。

至福昌縣作

清景幾人愛。愛之當遠尋。及臨韓嶽近。始見洛  
川深。縣在雲山腹。民居水竹心。無機類閑物。愈  
覺少知音。

燕堂卽事



豐場集  
川上數峰青。林間一水明。閑雲無定體。幽鳥不  
知名。遊侶既非約。歸期莫計程。錙銖人世事。休  
強作威獰。

上寺看南山

疊疊是峰巒。西連梁雍寬。與其行裏看。不若坐  
中觀。包括經唐漢。并吞歷晉韓。消沉事難問。惟  
爾尚巔巓。

縣尉解宇蓮池

縣尉小齋前。水清池有蓮。豈唯觀菡萏。兼可聽  
潺湲。宛類江湖上。殊非塵土邊。古人用心處。料  
得不徒然。

立秋日川上作

富貴固難愛。貧寒易得愁。休將少時態。移作老  
年羞。既有非常樂。須防不次憂。誰能保終始。長  
作國公侯。

登女几

予看山多矣。未嘗逢此奇。巨崖如梧虎。險石若  
張旗。雲意閑舒卷。巖形屢改移。丹青難狀處。四



面盡如斯

牧童

隨行笠與箠。未始散天和。暖戲荒城側。寒隈古塚阿。數聲牛背笛。一曲隴頭歌。應是無心問。朝廷事若何。

悟人一言

百慮謀猶拙。一言迷自開。世間無大事。天下有雄才。唯恐人難得。寧憂道未恢。忘心都去盡。何復病塵埃。

謝人惠筆

愛重寄文房。殷懃謝遠將。兔毫剛且健。筠管直而長。靜錄新詩藁。閑抄舊藥方。自餘無所用。足以養鋒鋌。

與人話舊

耳目所聞見。且言三十春。纔更十次閏。已換一番人。圯族綺紈故。朱門車馬新。從來皆偶爾。何者爲功勳。

閑吟



忽忽閒拈筆。時時樂性靈。何嘗無對景。未始便忘情。句會飄然得。詩因偶爾成。天機難狀處。一點自分明。

閒坐吟

當年計過之。今日事難隨。天命不我祐。雲山聊自怡。無何緣淡薄。遂得造希夷。却欲嗤真宰。勞勞應不知。

天津閑步

天子舊神州。葱葱氣象浮。園林閒近水。殿閣遠橫秋。浪雪暑猶在。橋虹晴不收。人間無事日。此地好淹留。

天津幽居

予家洛城裏。况復在天津。日近先知曉。天低易得春。時光優化國。景物厚幽人。自可辭軒冕。閑中老此身。

天津水聲

洛水近吾廬。潺湲到枕虛。湍驚九秋後。波急五更初。細爲輕風背。毫因驟雨餘。幽人有茲樂。何



必待笙竽。

天宮小閣

夏日到天宮。凭欄望莫窮。古人用心遠。天子建  
都雄。樓觀深雲裏。山川暮靄中。行人漫來往。此  
意有誰同。

聽琴

琴宜入夜聽。別起一般清。纔覺哀猿絕。還聞離  
鳳鳴。青山無限好。白髮不須驚。會取坐忘意。方  
知太古情。

天宮幽居卽事

人苦天津遠。來須特特來。閑餘知道泰。靜久覺  
神開。悟易觀碁局。談詩捻酒杯。世情千萬狀。都  
不與裝懷。

遊龍門

江天無少異。幽鳥下晴沙。路去山形斷。川迴渡  
口斜。龕巖千萬穴。店舍兩三家。清景四時好。都  
城况不賒。

川上觀魚



天氣冷涵秋。川長魚正遊。雖知能避網。猶恐悞吞鈎。已絕登門望。曾無點額憂。因思濠上樂。曠達是莊周。

寄陝守祖擇之舍人

記得相逢否。當時在海東。別離千里外。倏忽十年中。跡異名尤異。心同齒更同。終期再清會。文酒樂無窮。

訪姚輔周郎中月陂西園

相憶不可遏。西街來訪時。交橫過溝水。隙曲遶蔬畦。樹偃低頭避。筇高換手持。朋遊相得甚。何樂更如之。

寄周士彥

二蜀至三吳。中間萬里餘。去年方北望。今歲復西驅。劔閣離天日。秦川限帝都。臨風相憶處。能飲一杯無。

代書寄長安幕張文通

無學又無謀。胷中一向虛。枯腸忞飲酒。病眼怕看書。洛浦輕風裏。天津小雨餘。故人千里隔。相



望意何如

春盡後園閒步

綠樹成陰日。黃鸝對語時。小渠初漱澀。新竹正參差。倚杖閑吟久。攜童引步遲。好風知我意。故向人吹。

荅人乞碧蘆

草有可嘉者。莫將蕭艾儔。扶疎全類竹。蒼翠特宜秋。風雨聲初入。江湖思莫收。無功濟天下。藉此一淹留。

逍遙吟四首

吾道本來平。人多不肯行。得心無後味。失腳有深坑。若未通天地。焉能了死生。向其間一事。須是自誠明。

人生憂不足。足外更何求。吾生雖未足。亦也却無憂。天和將酒養。真樂用詩勾。不信年光會。催人早白頭。

夜入安樂窩。晨興飲太和。窮神知道泰。養素得天多。日月任推盪。山川徒琢磨。欲求爲此者。到



了是誰何

何事感人深。求之無處尋。兩儀長在手。萬化不關心。石裏時藏玉。砂中屢得金。分明難理會。須索入沉吟。

偶得吟

相去一毛間。千山復萬山。雖能忘寢食。未肯去機關。不是責人備。奈何開口難。天心况非遠。既遠遂無還。

每度過東鄰

每度過東隣。東隣愈覺勤。既來長是愧。相見只如親。飲食皆隨好。兒童亦自忻。吾鄉有是樂。何必更求人。

每度過東街

每度過東街。東街怨暮來。只知閒說話。那覺太開懷。我有千般樂。人無半點猜。半醺歡喜酒。未晚未成迴。

放小魚

纖鱗不足留。此失一生休。放爾江湖去。寬渠鼎



護遊更宜深避網。慎勿悞吞鈎。天下多庖者。無  
令落庶羞。

和田大卿見贈

日日步家園。清風不着錢。城中得野景。竹下弄  
飛泉。自願無嗟若。何妨養浩然。却慙天下士。語  
道未忘筌。

和王不疑少卿招飲

經難憶浮丘。吾鄉足勝遊。風前驚白髮。雨後喜  
新秋。仕宦情雖薄。登臨興未休。人間浪憂事。都

不到心頭。

再和王少卿見贈

乍涼天氣好。何處不堪遊。鴻雁來賓日。鷹鷂得  
志秋。忘形終夕樂。失脚一生休。多少江湖上。舟  
船未到頭。

和三王少卿同過敝廬

洛中詩有社。馬上句如神。白首交情重。黃花節  
物新。見過心可荷。知愧道非淳。寂寞西風裡。身  
閑半古人。



重九日登石閣三首

人情見了多。世態諳來久。事過憂噬臍。物傷防  
掣肘。水濁更澄濾。衣塵須抖擻。必欲論主衡。何  
人爲好手。

事出一時間。時過事莫還。當時深可愛。過後不  
堪看。夏去休言暑。冬來始講寒。人能知此理。憂  
患自難干。

今歲重陽日。凭欄氣候遲。雲烟雖已淡。林木未  
全衰。天地開懷處。山川快眼時。欄干空倚遍。此  
意有誰知。

花前勸酒

春在對花飲。春歸花亦殘。對花不飲酒。歡意遂  
闌珊。酒向花前飲。花宜醉後看。花前不飲酒。終  
負一年歡。

春去吟

好物足艱難。都來數日間。旣爲風撓擾。又被雨  
初殘。富貴醉初醒。神仙夢乍還。遊人不知止。依  
舊倚朱欄。



和君實端明花庵獨坐

靜坐養天和。其來所得多。耿耿同厦宇。密密引  
藤蘿。忘去貴臣度。能容野客過。繫時休戚重。終  
不道如何。

和君實端明見贈

曾不見。謔謔城中類。遠郊雖無千里馬。却有一  
枝巢。月出雲山背。風來松竹梢。頑然何所得。豈  
復避人嘲。

秋夜

浮雲一消散。星斗粲長天。碧蘚墜丹果。清香生  
白蓮。體涼猶衣葛。耳靜已無蟬。坐久羣動息。秋  
空唯寂然。

平日遊園常策筇。杖秋來發篋復出貂禡。  
二物皆景仁所貺。睹物思人。斐然成詩。

筑杖攜已久。貂禡展猶新。漸染岷山雪。拂除京  
國塵。危扶醉歸路。穩稱病來身。賴此齋中物。時  
如見故人。

雲



豐城集  
三  
竹  
晴空碧於水。那得片雲飛。映日成丹鳳。隨風變  
白衣。去來皆絕迹。隱顯兩忘機。天理誰能測。終  
然何所歸。

閒來

閒來觀萬物。在處可逍遙。魚爲貪釣得。蛾因赴  
火焦。碧梧饑鸞驚。白粒飽鷦鷯。帶索誰家子。行  
歌復采樵。

花庵多牽牛。清晨始開日。出已瘁。花雖甚  
美而不能留賞。

望遠雲凝袖。粧餘黛散鈿。縹囊承曉露。翠蓋拂  
秋煙。嚮慕非葵比。雕零在槿先。才供少頃玩。空  
廢日高眠。

和貂禱中杖二物皆范景仁所惠

君子亦保物。保故不保新。筇生蜀部石。貂走陰  
山塵。善扶巖嶮路。能暖瘦羸身。行坐不可捨。常  
如覩斯人。

和雲

萬里幙四垂。一片雲自飛。祇知根抱石。不爲天



爲衣。旣來曾無心。却去寧有機。未能作霖雨。安用帝鄉歸。

和閑來

以身觀萬物。萬物理非遙。馬爲乘多瘦。龜因灼苦焦。能言謝鸚鵡。易飽過鷓鴣。伊洛好煙水。願同漁與樵。

和花庵上牽牛花

葉開深如幄。花繁翠似鈿。灩灩零曉露。幕幕蔽晴煙。謝旣成番次。開仍有後先。主人凝佇苦。長是廢朝眠。

贈富公

天下繫休戚。世間誰擬倫。三朝爲宰相。四水作閒人。照破萬古事。收歸一點真。不知緣底事。見我却慙慙。

代書寄祖龍圖

三十年交舊。相逢各白頭。海壖曾共飲。洛社又同遊。脫屣風波地。開懷松桂秋。兩眉從此後。應不着閑愁。



奉和十月二十四日初見雪呈相國元老  
壬子初逢雪。未多仍却晴。人間都變白。林下不  
勝清。寒士痛遭恐。窮民惡着驚。盃觴限新法。何  
故便能傾。

和相國元老

崇臺未經慶。瑞雪下雲端。雖地盡成白。而天不  
甚寒。有年豐可待。盈尺潤難乾。畎畝無忘處。追  
蹤擊壤歡。

安樂窩中看雪

滿目是瑤琚。貧家遂富如。許觀非許賣。宜慄不  
宜舒。醇釀裝醺後。重衾造暖餘。肯於人世上。造

一作還險較錙銖。

和君實端明

養道自安恬。霜毛一任添。且無官責咎。幸免世  
猜嫌。蓬戶能安分。藜羹固不厭。一般偏好處。曝  
背向前簷。

對花吟

春在花爭好。春歸花遂殘。好花留不住。好客會



亦難酒既對花飲。花宜把酒看。如何更斟滿。乃盡此時歡。

依韻寄成都李希淳屯田

思君君未還。君戀蜀中官。白首雖知倦。清衷宜自寬。花時難得會。蚕市易成歡。莫歎歸休晚。生涯苦未完。

代書寄廣信李遵度承旨

薊北更千里。漢唐爲極邊。奈何今境上。不復舊山川。虎帳兵家重。雕弓嗣子傳。佗年勒功處。無使後燕然。

把酒

把酒囑兒男。吾今六十三。處身雖未至。講道固無慙。世上榮都謝。林間樂尚貪。語其貪一也。且免世猜嫌。

對花

花枝照酒卮。把酒囑花枝。酒盡錢能買。花殘藥不醫。人無先酩酊。花莫便離披。慢慢對花飲。况春能幾時。



林下吟

林下一般奇。俗人那得知。乍圓明月夜。纔放好  
花枝。美酒未斟滿。佳賓莫放歸。世間優我輩。幸  
有這些兒。

春陰二首

日日是春陰。春陰又復沉。養花雖有力。愛月豈  
無心。月滿方能看。花開始可吟。奈何花與月。殊  
不諒人深。

花好難久觀。月好難久看。花能五七日。月止十  
二圓。圓時仍齟齬。開處足摧殘。風雨尋常事。人  
心何不安。

囑花吟

把酒囑花枝。花枝亦要知。花無十日盛。人有百  
年期。據此銷魂處。寧思中酒時。若非詩斷割。難  
解一生迷。

天道吟

天道不難知。人情未易窺。雖聞言語處。更看作  
爲時。隱几功夫大。揮戈事業卑。春秋賴乘興。出



用小車兒

一室吟

一室可容身。四時長有春。何嘗無美酒。未始絕

佳賓。洞裏賞花者。君實也宅天邊泛月人。君貺也宅

中有相逢應有語。笑我太因循。

省事吟

慮少夢自少。言稀過亦稀。簾垂知日永。柳靜覺

風微。但見花開謝。不聞人是非。何須尋洞府。度

歲也應遲。

別謝彥國相公三首 二首絕句

和詩韓國老。見比似宣尼。引彼返魯事。指予來

西幾。一作遷洛時日星功共大。麋鹿分同微。華袞承

褒借。將何答所知。

別謝君實端明

曹王八斗才。今日為余催。錦繡佳章裏。芝蘭秀

句開。煩痲燼軀體。溽暑爍樓臺。宜把君詩諷。清

風當自來。

半醉吟二首



半醉上車兒。車兒穩碾歸輕風。迎面處。翠柳拂頭時。意若兼三事。情如擁九麾。這般閑富貴。料得沒人知。

半醉小車行。世間無此榮。涼風迎面細。垂柳拂頭輕。意若兼三事。情如擁萬兵。這般閑富貴。料得沒人爭。

年老吟

身老太平間。身閒心更閒。非貴亦非賤。不饑兼不寒。有宿須置酒。無日不開顏。第一條平路。何人伴往還。

古琴吟

長隨書與碁。貧亦久藏之。碧玉琢爲軫。黃金拍作徽。典多因待客。彈少爲求知。近日僮奴惡。須防煮鶴時。

爲善吟

人之爲善事。善事義當爲。金石猶能動。鬼神其可欺。事須安義命。言必道肝脾。莫問身之外。人知與不知。



即事吟

事到患來頻。何由得任真。就新須異敢。從善勿因循。盜亦自有道。人而或不仁。義緣無定體。安處是行身。

靜樂吟

和氣四時均。何時不是春。都將無事樂。變作有形身。靜把詩評物。閑將理告人。雖然無鼓吹。此樂世難倫。

待物吟

待物莫如誠。誠真天下行。物情無遠近。天道自分明。義理須宜顧。才能不用矜。世閒閑緣飾。到了是虛名。

晚步吟

晚步上楊堤。手攜筇。林枝靜隨芳草去。閑逐野雲歸。月出松梢處。風來蘋末時。林間此光景。能有幾人知。

答任郎中昆仲相訪

竹影戰碁罷。閑思安樂窩。曠時稱不見。聯轡幸



相過寵莫兼。金比褒逾華。袞多從來有。詩癖使我遂成魔。

小春天

八月小春天。如人強少年。偷生誠有謂。却老固無緣。既有神仙術。能迴草木妍。安知太平日。不得似堯天。

中秋吟

中秋光景好。况復月團圓。大抵衆所愛。奈何兼獨難。天晴仍客好。酒美更身安。四者若缺一。不能成此歡。

秋閣吟

秋閣一凭欄。人心何悄然。乾坤今歲月。唐漢舊山川。淡泊霜前日。蕭疎雨後天。丹青空妙手。此意有誰傳。

浮生吟

浮生曉露邊。且喜又添年。動悔須有悔。求全未必全。處人心上事。道物性中言。寰宇雖然廣。其誰曰不然。



謝圓益上人惠詩一卷

覽公詩十首。起我意何多。似藥驅疑疾。如茶滌  
睡魔。月當松皎潔。山隔水嵯峨。明日如無事。天  
津可再過。

荅會計杜孝錫寺丞見贈

四方多善人。予善未毫分。有意空求志。無功漫  
愛君。閑行觀止水。靜坐看歸雲。老向太平裏。朝  
廷正右文。

愁恨吟

城裏住煙霞。天津小隱家。經書為事業。水竹是  
生涯。恨為雲遮月。愁因風損花。恨愁花月外。何  
暇更知他。

何處是仙鄉

何處是仙鄉。仙鄉不離房。眼前無冗長。心下有  
清涼。靜處乾坤大。閑中日月長。若能安得分。都  
勝別思量。

龕牖吟

龕破已甘棄。言收用有方。用時須藉口。照處便



擊壤集  
安牀不假軒窓力。能迴日月光。清平臥其下。自可比羲皇。

自詠

天下更無雙。無知無所長。年顏李文爽。風度賀知章。靜坐多茶飲。閒行或道裝。傍人休用笑。安樂是吾鄉。

書夢

夢裏到鄉關。鄉關二十年。依稀新國土。隱約舊山川。身已煙霞外。人家道路邊。覺來猶在品。一餉但蕭然。

晚步洛河灘

晚步洛河灘。河灘石萬般。青黃有長短。大小有方圓。考彼多無數。求其用實難。琅玕在何處。止可使人歎。

和早秋五首

一雨洗觚稜。三川氣象新。林風傳顛氣。木葉送商聲。忽忽蓮生的。看看菊吐英。太平時裡老。何以報虛生。



徑小新經雨。庭幽遍有苔。風前閑意思。階下靜徘徊。不分筋骸老。難甘歲月催。時時藉芳草。賴有酒同杯。

王金秋已至。爍石景方闌。直養能希孟。閑居肯讓潘。竹間風瑟瑟。松罅月團圓。洛社多賢友。人可共歡。

池畔拖垂柳。欄邊笑晚花。敗荷傾弊蓋。老檜露枯槎。歲暮驚時態。年高惜物華。東陵風未替。解憶故園瓜。

日脚雲微淡。林梢葉漸黃。可堪須變色。徹了爲侵霜。酒到難成醉。風來易得涼。老年何所欲。唯願且平康。

堯夫何所有

堯夫何所有。一色得天和。夏住長生洞。冬居安樂窩。鶯花供放適。風月助吟哦。竊料人間樂。無如我最多。

長憶乍能言

長憶乍能言。朝遊父母前。方行初下膝。旣老遂



豐塲集  
華顛在昔四五歲。於今六十年。却看兒女戲。又喜又潛然。

獨坐吟

天告自丁寧。人多不肯聽。四時皆有景。萬物豈無情。禍福眼前事。是非身後名。誰能事閑氣。浪與世人爭。

又

天意自分明。人多不肯行。鶯花春乍暖。風月雨初晴。靜坐澄思慮。閑吟樂性情。誰能事閑氣。浪

與世人爭。

老翁吟

皤然一老翁。凡百事皆慵。舊物不盡記。故人難得逢。幽花渾在霧。殘夢半隨風。只且願天下。時和與歲豐。

鐵如意吟

此物鐵爲之。何嘗肯妄持。長隨大瓶子。永伴小車兒。擊碎珊瑚處。敲殘牙齒時。誰能學此輩。纔始入鞭笞。



蠹書魚

形狀類于魚。其心好蠹書。居常遊篋笥。未始在江湖。爲害千般有。言烹一物無。年年當盛夏。瞭了却如初。

代書答朝中舊友

少日治文章。亦曾觀國光。山林雖不返。畎畝未嘗忘。麋鹿寧無志。鶴鴻自有行。還知今日事。大故索思量。

閑步吟

何者謂知音。知音難漫尋。旣無師曠耳。安有伯牙琴。雖逼桑榆景。寧忘松桂心。獨行月堤上。一步一高吟。

坐右吟

萬化備于身。直須資養深。因何爲寶鑑。只被用精金。酒少如茶飲。詩多似史吟。顏淵方內樂。天下事難任。

樂春吟

四時唯愛春。春更愛春分。有暖溫存物。無寒著



莫人好花方蓓蕾。美酒正輕醇。安樂窩中客。如  
何不半醺。

和內鄉李師甫長官見寄

雖未似神仙。能避暑與寒。何嘗無水竹。未始離  
林巒。道不同新學。才難動要官。時和歲豐後。亦  
自有餘歡。

歲豐時又康。爲邑在南陽。不廢吏民事。得遊雲  
水鄉。春輸桃李艷。風薦蕙蘭香。太守兼賢傑。且  
無奔走忙。

內鄉兼隱亭

兼隱詫來書。於時特起予。民淳無訟聽。縣僻類  
山居。簿領杯盤外。官聯談笑餘。不知當此際。傍  
邑更誰如。

病酒吟

年年當此際。酒病掩柴扉。早是人多感。那堪春  
又歸。花殘蝴蝶亂。晝永子規啼。安得如前日。和  
風初扇微。

和王安之少卿雨後



焦勞九夏餘。一雨物皆疎。蛙鼓不足聽。蚊雷未  
易驅。非惟仰歲給。抑亦了官輸。林下閒遊客。何  
妨儘自愉。

依韻和王安之少卿秋約吟

升沉惡足論。事體到頭均。一片蓬蒿地。千年雲  
水身。收成時正好。寒暖氣初勻。自此過從樂。諸  
公莫厭頻。

長子伯溫失解以詩示之

儒家所尚者。行義與文章。用捨何嘗定。枯榮未  
易量。于求須黽勉。得失是尋常。外物不可必。其  
言味甚長。

浩歌吟

何者謂知幾。惟神能造微。行藏全在我。用舍繫  
於時。每恨知人晚。常憂見事遲。與天爲一體。然  
後識宣尼。

浩歌吟

憂愁與喜歡。相去一毛間。治亂不同體。山川無  
兩般。笛聲方遠聽。草色正遙看。何處危樓上。斜



陽人凭欄

嘉善既難投。先生宜罷休。履霜猶可救。滅木更何求。獸困重來日。鴻飛遠去秋。民饑須是食。食外盡悠悠。

白頭吟

何人頭不白。我白不因愁。只被人多欲。其如我不憂。不憂緣不動。多欲為多求。年老人常事。如何不白頭。

又五首感事吟

內古詩一首

萬物有精英。人為萬物靈。必先詳事體。然後論人情。氣靜形安樂。心閑身太平。伊耆治天下。不出此名生。

用藥似交兵。兵交豈有寧。求安安未得。去病病還生。湯劑未全補。甘肥又却爭。何由能壽考。瑞應老人星。

萬物道為樞。其來類自殊。性雖無厚薄。理亦有精麤。未若人為盛。還知物有餘。我生於此日。幸免作庸夫。



曾聞不若見。曾見不如經。既用身經過。何煩口說行。改詩知化筆。醒酒識和羹。料得人門事。無由出此情。

前有億萬年。後有億萬世。中間有壽人。未過百來歲。出口無善言。行身無善事。徒有人之身。殊無人之貴。

無苦吟

平生無苦吟。書翰不求深。行筆因調性。成詩爲寫心。詩揚心造化。筆發性園林。所樂樂吾樂。樂而安有淫。

萬物吟

萬物備于身。乾坤不負人。時光嗟荏苒。事體落因循。既感青春老。還驚白髮新。胸中若無有。未免作埃塵。

月窟吟

月窟與天根。中間來往頻。所居皆綽綽。何往不伸伸。投足自有定。滿懷都是春。若無詩與酒。又似太虧人。



大象吟

大象自中虛。中虛真不渝。施爲心事業。應對口  
工夫。伎倆千般有。憂愁一點無。人能知此理。勝  
讀五車書。

擊壤吟

擊壤三千首。行窩十二家。樂夫爲事業。養志是  
生涯。出入將如意。過從用小車。人能知此樂。何  
必待紛華。

百病吟

百病起於情。情輕病亦輕。可能無系累。却是有  
依憑。秋月千山靜。春華萬木榮。若論真事業。人  
力莫經營。

罷吟吟

久欲罷吟詩。還驚意忽奇。坐中知物體。言外到  
天機。得句不勝易。成篇豈忍遺。安知千萬載。後  
世無宣尼。

黃金吟

身上有黃金。人無走陸沉。求時未必見。得處不



因循辨捷非通物。涵容是了心。會彈無絃琴。然後能知音。

鷓鴣吟

事體一番新。纔新又却陳。新陳非利物。義理不由人。歲月休驚晚。鶯花續報春。餘樽幸無恙。宜唱鷓鴣頻。

閑中吟

閑中氣味長。長處是仙鄉。富有林泉樂。清無市井忙。爛遊千聖奧。醉擁萬花香。莫作傷心事。傷

心易斷腸。

閑中氣味真。真處是天民。富有林泉樂。清無市井塵。爛遊千聖奧。醉擁萬花春。莫作傷心事。傷

心愁殺人。

閑中氣味全。全處是天仙。富有林泉樂。清無市井喧。爛觀千聖奧。醉擁萬花妍。莫作傷心事。傷

心事好旋。

蒼蒼吟

人人共戴天。我戴豈徒然。須識天人理。方知造



化權功名歸酒盞。器業入詩篇。料得閑中樂。無  
如我得全。

團團吟

如鑑又如鈎。迴旋莫記秋。難窮天上理。易白世  
間頭。團團處人人喜。虧時物物愁。有生無不喘。何  
必待吳牛。

代書吟

見別一年餘。歲殘相憶初。重煩君款密。遠寄我  
空踈。衰朽百端有。憂愁一點無。閑吟四十字。聊  
用荅來書。

酒少吟

此物近來貧。時時得數斤。如茶辜老朽。似藥負  
交親。未飲先憂盡。雖斟不放頻。何由同九日。長  
有白衣人。

歲杪吟

一日去一日。一年添一年。饒教成大器。其那已  
華顛。志意雖依舊。聰明不及前。若非心有得。亦  
恐學神仙。



冬至吟

何者謂之幾。天根理極微。今年初盡處。明日未  
來時。此際易得意。其間難下辭。人能知此意。何  
事不能知。

六十六歲吟

六十有六歲。暢然持酒盃。少無他得志。老有此  
開懷。往往英心動。時時秀句來。尚收三百首。自  
謂敵瓊環。

演繹吟

萬事入沉吟。其來味更深。雖然曾過眼。須是更  
經心。經眼未盡見。經心肯儘尋。儘尋能得見。方  
始是真金。

何者是真金。真金入骨沉。飽曾經煅煉。足得不  
沉吟。到手何須眼。行身敢放心。放心然後樂。天  
下有知音。

何者謂知音。知音只在心。肝脾無效驗。鍾鼓漫  
搜尋。既若能開物。何須更鼓琴。來儀非爲鳳。只  
是感人深。



何者謂來儀。來儀意不低。有身皆衍衍。無物不熙熙。一國若一物。四方猶四支。巍巍乎堯舜。何得而名之。

吾廬吟

吾亦愛吾廬。吾廬似野居。性隨天共淡。身與世俱疎。遍地長芳草。滿牀堆亂書。自從無事後。更不著功夫。

窮冬吟

十二月將終。還驚歲律窮。藏冰方北陸。解凍未東風。草末徒尋綠。花梢強覓紅。探春春不見。元只在胷中。

知非吟

今日已前事。知非心可憑。虛言安足道。實行又何矜。無藥醫衰老。有詩歌聖明。縱然時飲酒。未肯學劉伶。

冬至吟

冬至子之半。天心無改移。一陽初動處。萬物未生時。玄酒味方淡。大音聲正希。此言如不信。更



請問庖犧

頭白吟

頭白已多時。况能垂白髭。不如猶甚幸。竊比未  
全衰。潤屋雖無鏹。承家却有兒。敢言平淨潔。似  
我亦應稀。

談詩吟

詩者人之志。非詩志莫傳。人和心盡見。天與意  
相連。論物生新句。評文起雅言。興來如宿構。未  
始用雕鐫。

生日吟

三萬五千日。伊予享此身。當時纔作物。此際始  
爲人。久負陰陽力。終虧父母恩。一盃爲壽酒。牀  
下列兒孫。

所感吟

人生無定準。事體有多端。客宦危疑處。家書子  
細看。既曾憂險阻。方信喜平安。男子平生事。須  
于痛定觀。

歲除吟



半百已華顛。如今更皓然。自知爲士子。人訝學神仙。風月難忘酒。雲山不著錢。行年六十六。明日又添年。

喜歡吟

平生喜飲酒。飲酒喜輕醇。不喜大段醉。只便微帶醺。融怡如再少。和煦似初春。亦恐難名狀。兩儀仍未分。

二月吟

林下故無知。惟知二月期。酒嘗新熟後。花賞半開時。只有醺酣趣。殊無爛熳悲。誰能將此景。長貯在心脾。

萬物吟

成敗須歸命。興衰各有時。小人縱多欲。真宰豈容私。只此浪喜歡。便成空慘悽。請觀春去後。遊者更爲誰。

泉布吟

名爲泉布者。無足走人間。善發難言口。能開不笑顏。償逋小續命。調急大還丹。惟有商山老。非



千買得閑

中和吟

性亦故無他。須是識中和。心上語言少。人間事  
體多。如霖迴久旱。似藥起沉痾。一物尚不了。其  
如萬物何。

病中吟

堯夫三月病。憂損洛陽人。非止交朋意。都如骨  
肉親。薦醫心懇切。求藥意慇懃。安得如前日。登  
門謝此恩。

荅客問病

世上重黃金。伊予獨喜吟。死生都一致。利害漫  
相尋。湯劑功非淺。膏肓疾已深。然而猶灼艾。用  
慰友朋心。

過比干墓

精誠皦於日。發出爲忠辭。方寸已盡破。獨夫猶  
不知。高墳臨大道。老木無柔枝。千古存遺像。翻  
爲諂子嗤。

自遣



讀書忘歲月。人競笑蹉跎。但得甘旨足。寧辭辛苦多。龍泉去鉞刃。蝸角亦風波。知我爲親老。不知將謂何。

共城十吟

內古詩  
三首

予家有園數十畝。皆桃李梨杏之類。在衛之西。郊自始營。十餘載矣。未嘗熟觀花之開。屬以男子之常事也。去年冬。會病歸自京師。至今年春。始偶花之繁茂。復悼身之窮處。故有春郊詩一什。雖不合於雅焉。抑亦導于情耳。慶曆丁亥歲。

其一曰春郊閒居

居處雖近郭。不欲登城市。盡日客不來。至夜門猶閉。院靜春正濃。牕閒晝復寐。誰知藜藿中。自有詩書味。

其二曰春郊閒步

病起復驚春。攜筇看野新。水邊逢釣者。壠上見耕人。訪彼形容苦。酬予家業貧。自慙功濟力。未得遂生民。

其三曰春郊芳草



春風必有刀。離腸被君斷。春風既無刀。芳草何  
人剪。腸斷不復接。草剪益還生。誰人有芳酒。爲  
我高歌傾。

其四曰春郊花開

桃李正芬敷。花繁覆弊廬。亂香尋密牖。碎影下  
前除。靜遶晝眠後。輕攀春醉餘。縱然觀盡日。誰  
敢罪狂疎。

其五曰春郊寒食

郭外花亦繁。不謂繁華失。幸非在郭中。不見繁  
華物。不寒不暖天。半陰半晴日。花外鞦韆鳴。月  
隔鞦韆出。

其六曰春郊晚望

風暖轉鳴禽。天低薄薄陰。煙容凝壠曲。雨意弄  
河心。柳隔高城遠。花藏舊縣深。獨憐身臥病。猶  
許後春尋。

其七曰春郊雨中

九野散漫漫。連昏鳥道間。坐中迷遠樹。門外失  
前山。襍禩耕夫喜。幘幪居者閑。騷人正凝黯。天



際意初還

其八曰春郊雨後

雨歇蕩餘春。天光露太真。茵鋪芳草軟。錦濯爛  
花新。風觸鶯簧健。煙舒柳帶勻。如何當此景。閑  
臥度昌辰。

其九曰春郊舊酒

花開風雨後。忍病欲消磨。未是踈狂極。其如困  
頓何。梁間新燕亂。天外去鴻多。總是灰心事。冥  
焉書岸過。

其十曰春郊花落

春暮多風雨。離披滿後園。曉餘殘片擁。晴外亂  
紅翻。香徑難留裊。嬌心絕弄繁。成蹊是桃李。狼  
籍尚無言。

閒吟二首

居洛八九載。投心唯二三。相逢各自首。共坐多  
清談。人事已默定。世情曾久諳。酒行勿相逼。徐  
得奉醺酣。

欲有一瓢樂。曾無二頃田。丹誠未貫日。白髮已



華顛雲意寒尤淡。松心老益堅。年來踈懶甚。時  
憶舊林泉。

川上懷舊

地迴川原濶。村孤煙水閒。雷輕龍過浦。雲亂雨  
移山。田者荷鋤去。漁人背網還。伊予獨霑濕。猶  
在道途間。

高竹一首

高竹雜高梧。還驚秋節初。晚涼猶可喜。舊帙亦  
宜舒。池閣輕風裏。園林晚景餘。生人有此樂。何

必較錙銖。

秋懷五首

斷續蟬聲外。稀疎鴈下前。年光空去也。人事益  
蕭然。洗竹留新筍。翻書得舊編。誰知養心者。肯  
與世爭權。

中秋光景好。中州煙水奇。天重初寒候。人便半  
醉時。榻緣明月掃。襟待好風吹。一點胸中事。人  
間都不知。  
人老秋更老。山深水復深。高木已就脫。慧禽空



好音筋骸非曩日。道德負初心。賴有餘編在。時  
時尚可尋。

九日登高會。尋幽講雅歡。俗風追故事。天氣薦  
輕寒。白酒連醅飲。黃花帶露觀。消沉浮世事。何  
足重沈瀾。

草綠露霑衣。草衰風切肌。物情非作異。人意強  
生疑。岐動楊朱泣。絲添墨子悲。知之何太晚。徒  
自淚淋漓。

偶見吟

心跡貴相親。相親善惡分。世間須有物。天下豈  
無人。既見薰蕕臭。當思玉石焚。如何得時態。長  
似洛陽。

五言排律

謝府尹王君貺尚書

嘉祐壬寅歲。新巢始孱功。仍分道德里。更近帝  
王宮。檻仰端門峻。軒迎兩觀雄。窓虛響漚澗。臺  
迥璨伊嵩。好景猶難得。昌辰豈易逢。無才濟天  
下。有分樂年豐。水竹腹心裡。鸞花淵藪中。老萊



歡不已。靜節與何窮。嘯傲陪真侶。經營賀府公。  
丹誠徒自寫。匪報是恩隆。

清風長吟

宇宙中和氣。清冷無比方。與時蠲疾病。與歲造  
豐穰。起自清蘋末。來從翠樹傍。得逢明月夜。便  
入故人鄉。密葉搖重幄。殷花舞靚粧。兩三聲迥  
笛。千萬縷垂楊。細度絲桐韻。深傳蘭蕙香。樓臺  
臨遠水。軒檻近修篁。盛夏驅煩暑。初晴送晚涼。  
輕披綠荷芰。緩透薄衣裳。浪走翩翩袂。波生漱

灑觴。閑愁難著莫。幽思易飛揚。快若乘天馬。醒  
如沃蔗漿。面前遊閨苑。坐上泛瀟湘。不可將錢  
買。焉能用斗量。依憑全藉德。收貯豈須倉。無患  
兼并取。寧憂寇盜攘。以茲爲樂事。未始有憂傷。

垂柳長吟

垂柳有兩種。有長有短垂。唯茲長一種。偏與靜  
相宜。院宇深春後。亭臺晚景時。不勝烟幕幕。無  
柰日遲遲。霖霖雨初過。清冷風乍吹。章臺街左  
右。華表住東西。起眼出牆樹。拂頭當路枝。翩翩



綠羅帶。縹緲縷金衣。蕩颺飄晴絮。繽紛舞暖絲。  
絲牽寸腸斷。絮入萬家飛。婀娜王恭韻。娉娉趙  
后姿。修妍張緒少。柔軟沈侯羸。濯濯青拖地。麤  
麤翠遶池。般添花灼灼。引惹草萋萋。鬱鬱籠山  
館。踈踈映酒旗。贈人人自泣。駐馬馬還嘶。影裡  
啞去。陰中輾轉歸。淒涼裝暝靄。淡薄掛斜暉。  
懊惱輕攀折。憂愁重別離。早衰綠傷道。先茂爲  
臨溪。樓外蟬纔噪。橋邊鷺又啼。生憎遮望眼。死  
恨學粧眉。遠客莫知數。長條曾繫誰。經霜儘憔悴。  
來歲却依依。

落花長吟

以酒戰花穠。花穠酒更濃。花能十日盡。酒未百  
壺空。尚喜裝衣袂。猶憐墜酒鍾。多情惟粉蝶。薄  
倖是遊蜂。減却牆頭豔。添爲徑畔紅。飄零深院  
宇。點綴靜簾籠。又恐隨流水。仍憂嫁遠風。水流  
猶委曲。風遠便西東。狼籍殘春後。離披晚照中。  
亭臺雖有主。軒騎斷無蹤。劔去擁妃子。兵來圍  
石崇。馬嵬方戀戀。金谷正匆匆。曹植辭休切。襄



王夢已終。謬稱尋洛浦。浪說數巫峰。燕訴冤還  
在。鸞傳信莫通。苔錢如可買。柳線自能縫。悵望  
尤真宰。淒涼殫化工。放教成爛沒。不使略從容。  
命掃心爭忍。言收計遂窮。異香銷骨髓。絕色死  
英雄。任詫回天力。饒矜蓋世功。奈何時既往。到  
了事難重。開謝形相戾。興衰理一同。天機之淺  
者。未始免忡忡。

○芳草長吟

芳草更休生。芳樽更不傾。草如生不已。樽豈便

能停。雨後閑池閣。春深小院庭。是時簾半捲。此  
際酒初醒。密密嫩方布。茸茸綠已成。送迴殘照  
淡。引起曉寒輕。靜觀花村薄。閑裝竹塢清。溪邊  
微水浸。原上未春耕。莫遣香車輾。休教細馬行。  
籍餘無限意。望久不勝情。臺迥眉初斂。樓危眼  
乍明。低低暮雲碧。隱隱遠山青。翠接鴛鴦浦。萋  
連楊柳汀。江潭夜帆落。海渚晚舟橫。戍壘角一  
弄。牧童笛數聲。沙頭雙鷺下。渡口亂鴻驚。蒼鬱  
出征地。芊綿奉使程。遠披來往路。遍遶短長亭。



蕻蕻秦皇墓。離離漢帝城。荒涼故銅雀。破碎舊金陵。霧鎖前朝事。煙昏後世名。枯猶藏狡兔。腐亦化流螢。縱刻奚由盡。纔燒又却榮。徒樂蔽京觀。仍願且升平。

春水長吟

春在水自淥。春歸淥遂休。清非不逮淥。春奈勝于秋。淥向陽中得。清於冷上求。加於清一等。用是淥爲優。薄薄水初泮。微微雨乍收。渺瀰新島嶼。歛灑舊汀洲。荷芰低猶卷。菰蒲嫩已抽。蘋蘩

雖漸出。藻荇未全稠。日暖鴛鴦浴。煙晴翡翠游。波平躍雙鯉。風靜戲羣鷗。西蜀遨爭舉。東甌襍競修。武陵花再識。漢曲珮還投。臺下溶溶過。堤邊漫漫流。檻前纔泚泚。天外更悠悠。泛濫情懷惡。潺湲意思幽。遠山遮不斷。一作別浦去難留二月谿橋畔。三吳野渡頭。依前橫兩槳。特地送孤舟。畫手方停筆。騷人正倚樓。長江飛絮外。只是動離愁。

苔錢



一雨一番新。非關鼓鑄頻。縱多難贈客。便失不  
猜人。遍地未爲富。滿塔那濟貧。買愁須有爲。酤  
酒斷無因。散處如籌計。重時似索陳。不能調已  
急。何暇更調親。

流鶯吟

遷喬固有之。出谷未多時。正嫩簧爲舌。初新金  
作衣。替花言灼灼。代柳說依依。柳外晚猶囀。花  
前曉又啼。啼多因雨過。囀少爲春歸。莫遣行人  
聽。行人路正迷。

伊川擊壤集卷之四



